

Chìkôan ê thóngtīchiá

(Khólah kiáⁿsun ê si, kau hō sipan chíhui.)

- 1 Bānbîn ah, lín lóng tiòh phah phók'á!
Tiòh ēng hoaⁿhí ê siaⁿ tōa siaⁿ oló SiōngChú!
- 2 Inūi Chìkôanchiá SiōngChú tiòh siū kèngùì,
I sī koánlí choân tē ê tōa Kunông.
- 3 I hō bānbîn khuthók tī goán ēbīn,
koh hō liát pang khuthók tī goán ê khaē.
- 4 I thè goán kóngsoán goán ê sángiáp,
tòh sī I số thiàⁿ ê lâkop ê êngkng. [Sèláh]
- 5 SiōngChú tī hoanhor siaⁿ tiong chiūⁿ thiⁿ;
SiōngChú tī hōkak siaⁿ tiong khi chē I ê ôngūi.
- 6 Lín tiòh chhiūⁿkoa oló SiōngChú, tiòh
chhiūⁿkoa oló!
Tiòh chhiūⁿkoa oló lán ê Ông, tiòh chhiūⁿkoa
oló!
- 7 Inūi SiōngChú sī choân tē ê Ông,
lín tiòh iōng sikoa oló I.
- 8 SiōngChú chò Ông tīlí bānkok;
SiōngChú chē tī I ê sèng póchō.
- 9 Liát pang ê kunông chūchíp, beh chò
Abulahàm ê SiōngChú ê chúbîn;
inūi choân tē ê kunông lóng siók tī SiōngChú,
I siū chunchông chò Chìkôan ê.

至 koân ê 統治者

(可拉 kiáⁿ 孫 ê 詩, 交 hō 詩班指揮。)

- 1 萬民 ah, lín lóng tiòh phah phók'á!
Tiòh 用歡喜 ê 聲大聲 oló 上主!
- 2 因為至 koân 者上主 tiòh 受敬畏,
祂是管理全地 ê 大君王。
- 3 祂 hō 萬民屈服 tī 阮下面,
koh hō 列邦屈服 tī 阮 ê 腳下。
- 4 祂替阮揀選阮 ê 產業,
tòh 是祂所疼 ê 雅各 ê 榮光。[Sèláh]
- 5 上主 tī 歡呼聲中 chiūⁿ 天;
上主 tī 號角聲中去坐祂 ê 王位。
- 6 Lín tiòh 唱歌 oló 上主, tiòh 唱歌 oló!
Tiòh 唱歌 oló 咱 ê 王, tiòh 唱歌 oló!
- 7 因為上主是全地 ê 王,
lín tiòh 用詩歌 oló 祂。
- 8 上主做王治理萬國;
上主坐 tī 祂 ê 聖寶座。
- 9 列邦 ê 君王聚集, beh 做亞伯拉罕 ê 上主 ê 子
民;
因為全地 ê 君王 lóng 屬 tī 上主,
祂受尊崇做至 koân ê 。